



ESCAPOLAIRE

Diplòma Nivèu A2 d'Occitan Gascon

❖ *Qu'ei aqueth diplòma ?*

Lo diplòma d'escapolaire que certifica un **nivèu elementari en occitan gascon modèrne** (A2 deu QECRL)

Emparat suu Quadre Europèu Comun de Referéncia tà las Lengas, que garanteish un tribalh de qualitat : lo diplòma d'Escapolaire que poderà vàder **un certificat de competéncia** reconeishut com **ua sòla seriosa en lenga** taus emplegaires per exemple...

Tà daubuns, aquera **reconeishença en lenga** que hè hrèita, e viste !

Quitament tau **plaser**, un « diplòma » d'occitan que pòt arrepresentar e vàler hèra.

➤ Data e Modalitats :

La tienuda d'augan que serà lo **dissabte 16 de junh a Pau**

Au nivèu « administratiu », ua participacion de **10 euros** qu'ei demandada.

Ficas d'inscripcion dab totas las informacions que seràn estampadas tà's poder inscriver.

Lo CFPOC que'v convida a l'amassada d'informacion lo divés 11 de mai a 6 òras deu ser a l'Institut Occitan, castèth d'Este a Vilhèra.

❖ *Quin se debana ?*

➤ Los Candidats :

« L'Escapolaire » que's vira de cap a dus publics :

- D'un costat, de cap taus **mainats** de 10 a 15 ans (CM1 – 4au)
- D'un aute costat de cap taus **joens e taus adultes** (aprenents o pas).

➤ Aprestar « Escapolaire » :

Com tot diplòma, « L'Escapolaire » que s'apresta : cada an un **programa de tres òbras** qu'ei causit.

Totun, per proposar ua tienuda en junh de 2007, augan lo programa qu'ei alèugerit :

- Taus mainats : **Sauvar la Cristal!** de Joan-Miquèu Dordeins. *IEO*, 2003.

- Taus joens e adultes : **Miratges** d'Albert Peyroutet. *Reclams*, 1996.

Pr'amor d'estar un recuell de novèlas, 5 (que n'i a 8 en tot) qu'estón causidas : *Miratges, Lo secret deus cagòts, Los curs, Lo gatòt, Lo huec roi.*

« Escapolaire » que demanda donc un tribalh personau, mes :

-Que poderatz participar a pausas com amassadas tà parlar deus libes, resoner a questions etc...(data(s) e hrèitas de definir amassa)

-Estagis « Parlar » que permeteràn, tà'us qui ac vòlen ua practica mei intensiva de la lenga.

➤ Lo dia de l'espròva :

Taus uns com taus autes, l'examen que's debana en duas partidas :

- Ua avaloracion escruiata : lo candidat qu'a 45 minutas tà léger (de votz baisha) e comprèner un tèxte* de +/- 300 mots. Que'n tira las idèas màgers ; qu'ei mei que mei un tribalh de reformulacion.
- Ua avaloracion orau : lo candidat qu'a un navèth tèxte* de +/- 300 mots. Que'u lei un còp de votz baisha puish de votz hauta autant plan com posca! Qu'ei la soa capacitat tà har tringlar la lenga qui ei « jutjada ». Puish, lo candidat que respon a uas questions dens ua lenga simpla e clara. N'a pas de prosejar òras e òras !

***Tots los tèxtes que son gessits de las òbras au programa !**

Qu'est-ce que le « Diplòma d'Escapolaire » ?

Le « Diplòma d'Escapolaire » garantit un niveau élémentaire (A2 du CECRL) en occitan-gascon moderne.

La référence au Cadre Européen Commun de référence pour les Langues (CECRL) est un gage de sérieux : le « Diplòma d'Escapolaire » se veut un certificat de compétence reconnu comme une base solide en langue.

C'est un outil tangible pour les employeurs, les salariés...

Beaucoup ont besoin, et rapidement, d'une reconnaissance en langue : que ce soit pour évaluer un apprentissage ou valoriser un savoir.

Même pour le plaisir, un « diplòma » d'occitan a une grande valeur.